

LEIK MED BØKER I TI ÅR

bokLEK

FOR ALLE SKOLESTARTARANE I INNLANDET



**BLI MED
PÅ BOKLEIK!**





BOOKLEIK-TURNÉ

Alle borna som går siste året i barnehagen, blir invitert til folkebiblioteket der dei får møte ein av formidlarane i år.

Bokleik-forfattar i 2023 er HILDE HODNEFJELD. Under Bokleik-turneen reiser ho, saman med MARIANNE SUNDAL og KRISTINE HAUGLAND, rundt til alle folkebiblioteka i Innlandet og formidlar frå bildeboka Uppsa, som handlar om korleis det opplevast å få kjeft for noko ein ikkje gjer med vilje.

LEIK MED BOKA

Bøkene til Hilde Hodnefjeld kan lånast på ditt lokale folkebibliotek. Alle barnehagar som deltek i prosjektet, får i tillegg eit eksemplar av boka «Uppsa». Forfattarmøte blir alltid best med eit publikum som er førebudd, så vi oppmodar barnehagane til å gå inn på boklek.no, der dei vil finne nyheiter, tips og idear til aktivitetar som kan gjennomførast i barnehagen og heime, før og etter besøket på biblioteket.

*Alle skolestartarar
blir ynskt velkomne
til eit møte med Hilde
Hodnefjeld og Uppsa.*





FORMIDLARANE I ÅR


HILDE HODNEFJELD er illustratør og forfatter – og veldig kreativ! Ho er utdanna ved Statens handverk og kunstindustrihøgskule, linja for grafisk design og illustrasjon, hovudfag i tekning 1994. Under utdanninga var ho eit år i Paris på Art Décoratifs og eit halvt år på Islands kunst- og handverkskule. Hodnefjeld har sida 2010 vore tilknytta arbeidsfellesskapet ILLUSTRATØRENE. Ho har utgjeve fleire bildebøker for barn og har også illustrert ei lang rekke bøker for andre forfattarar.



MARIANNE SUNDAL er formidlar under Bokleik-turneen i 2023. Ho er forteljar og har dei siste sekstan åra arbeidd med forteljingar, førestillingar og kurs. Ho arbeider mykje med elevar og lærarar som vil lære seg å fortelje historier, og ho lagar også eigne førestillingar.



KRISTINE HAUGLAND har jobba som forteljar sidan 2003, og er med som formidlar under Bokleik-turneen i 2023. Med solo- og samarbeidsprosjekt har ho turnert og opptredd for tusenvis av born, unge og vaksne i gymsalar, klasserom, litteraturhus og scener, på alt frå Den norske Opera til ein halmball i eit fjøs før jul.



BOOKLEIK I 10 ÅR

Bokleik er eit samarbeid mellom Norsk Litteraturfestival, Innlandet fylkesbibliotek og alle folkebiblioteka i Innlandet. Prosjektet blir støtta av Eidsiva. Målet med prosjektet er å skape positive litteraturopplevingar for alle skolestartarar i fylket. Prosjektet starta opp i 2014, så i 2023 er det 10. gongen vi inviterer til Bokleik. Dei siste åra har over 3000 born delteke på Bokleik og blitt invitert med til å oppdage boka gjennom å lytte, teikne, dikte, fortelje og skape.

**BOOKLEIK
ER STØTTA AV:**

Eidsiva.

